



Macht kunnt in dr Gschtalt vo Gwalt

I sitz Zoobe gmietlig am Ässe
 und due nit Guets bim schputte vergässe
 au bim Dessert aabedrugge
 dueni numme s Beschte aabeschlugge
 Mini Liebschti duets bi dr Schoggi wooge
 Und unverhoole muetig frooge
 gisch mer au e Stigg
 sunscht wirsch emänd no z digg
 nai saag i, daile mues i nit
 das teilt uns d Wärbig diddlig mit
 Gitz isch gail, odder ebbe nit
 au wens fir Di viil Zweenig git
 i bi doch nit blöod
 i loss di in dinne Nööt
 dängge muesch wie me das hytte duet
 sunsch wär me jo nit so meega guet
 wenn de neyi Schuttschue muesch aaprobiere
 gisch imene Andre e Tritt in d Niere
 dä Film won i denne am Färnsee ka luege
 isch au e soone schambaar guete
 do schniidet grad dr Schwarzenegger
 e Bei ab von sim Frind em Emmenegger
 jetzte isch mer vellig klaar
 das isch e meega galle Superstaar
 sottigi muesch hytte portiere
 as me alles Beese ka abserviere
 dr mächtigscht uf dääre Wält duet is das saage
 me mues ze dr Macht jo sorg traage
 dä Busch dä kunnt je soo schambaar druss
 firs hyttige Dängge bruchts e soone Nuss
 Macht und Arroganz bruuchts Knübbeldigg
 in dr Wirtschaft und dr Poldigg ...
 yberzigt vo dämm gang i jetz go schloofe
 und zie si aa, mini Bitschaamahoose
 dauch unter im Land der Träume
 und s stimmt, Träume sind nicht nur Schäume
 e Stimm sait mer pletzlich unverfroore
 fir daas sin mer nit geboore
 wenn mer esoo wyttermache
 wie nit ganz bache
 wenn mer Macht und Gwalt nit dien trenne
 und wytter numme dämm no noocherene
 Alli mien mer drunter liide
 s isch laider nimm z vermeide
 Macht und Gwalt isch z nooch verwand
 und daas egal in wellem Land
 die Ainte dien si probbagiere
 die Andere mien si akzeptiere
 Familie kemme in Probleme
 wägge iire miggrige Leen
 stäärbe mien an Hunger zig duusigi
 wäge e baar es so Luusigi
 derfir schwimme ganz weenigi uf däre Wält
 in vellig unsinnig viil Gäld
 dr Fantomas het in de sächzger Joore
 scho d Macht und d Gwalt fir d Zuekunft userkoore
 Aigesinn het ze dämm Unsinn gfiert
 as numme no s Gäld elai regiert
 We mee Mensche as me duet entloo
 dien d Aggzie immer wytter oobe stoo
 die Glaine kenne sich nimme weere
 will si immer no mee mien entbeere
 das fiert zer Aawändig vo Gwalt
 vor dääre macht niemer me Halt
 Andri interessiere si nimme
 Will fir Sii nytmee duet stimme
 Daas fiert zem Extremismus
 und schwellendem Zynismus
 das Daas nit bringt, gseen mer am Beschte
 Luege mer numme ganz nooch bi uns im Weschte
 wo duusigi Auti dien verbrenne
 will me d Probleme nit will erkenne
 aber au im Oschte im nooche und im middlere
 wo me gegesyttig duet verbittere
 will kain im Andere ebbis will genne
 und alli Meegligkete fir Fride duet verperne
 isch es wirgglig Daas wo mer bruuche
 und enniander gegesyttig schluuche
 Nai, ganz sicher nit
 Kumm, do mache mer rämme mit
 nooch steen mer widder zueniander
 und gän enniander d Hand
 noonem Gascht von unserer Fasnacht wämmmer läbbe
 und nur no noonem Plächte schräbbe ...

*D'Laubere-Guastelig uff em Minscherplatz und d'Wärg- und
 Feggerele-Guastelig an dr Kasabene sin vom Mänsdig anrecht bis
 am Stenach demungefäer Deen und an dr 3 Verkaufstünd (10.00
 in dr Saht ka mer au all Zerdel und Schinzelwängg, d'Blaggele
 und dr Fäddelg kaufte.*